



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1657

§. 105. Sed hæc est hora vestra, & potestas tenebrarum. v. 35 [53].

urn:nbn:de:hbz:466:1-45549

ibi certe Deus agendi non est principium, sed diabolus. Fuge ergo, fuge passionibus obsequi.

§.105. Sed hac est hora vestra, & potestas tenebrarum. v.35.

Ex duobus argumentis jam allatis, concludit Christus, & remonstrat hostibus suis, quod ad hunc actum a dæmonibus sint inducti, ut eos deterreret ab ulteriore in malis progreßu: Ego autem miror hic Domini mei in discursibus tam rationabilibus, inter strepitum, armorum constantiam, & animi præsentiam, etiam moderationem, qua tenebras appellat ipsa dæmonia & peccata.

O Iesu sapientia Dei, æterna veritas, quam clarè effulgit hoc divinum lumen tuum super filios Adæ: quam omnis vita, cunctaque operatio tua, lux quædam & manuductio nobis fuit ad veritatem? quam perspicue lumen cœlestis doctrix tua tunc luxit in tenebris? quam universa opera tua humilitate, patientia, charitate, abstinentia, & omni denique gratia & virrute abundant! ita ut in his perfectissima exempla totius sanctitatis, cunctis reluceant; O quam studiole conatus es plantare vineam patris tui: nec tibi ipsi ab æstu, à frigore, à siti & fame, à vigiliis & labotibus pepercisti: enim vero cor tuum præ ardentis desiderio intra te velut in olla ferventi æstuabat, ut patri tuo lucrum reportares, & omnem Israël salvum faceres tua pietate, quam veneror & adoro.

§.106. Comprehendentes autem eum. v.54.

Quia hora eorum erat, & potestas tenebrarum juxta talium principiorum morem, nempè in humanum & atrorem, comprehendentes: satis barbarè ligarunt, vinculisque compluribus, & manicis ferreis constrinxerunt, quorum alia collo, alia manibus injecerunt. Erat igitur qui guttus illius propè strangulabat; alii manus & pedes arctè nimis copulabant. Quid tunc cogitaverit, quid meditatus fuerit Dominus quando vincula peccatorum circumdabant eum! ipse novit, nos conjectemus meditando, conjectando gratias agamus, & agendo gratias pacem habeamus.

Iesu vinculis alligate a Iudeis miserere mei & omnium ne mortalibus culpis unquam innexi comprehendamur ab ira tua & satanæ servitute.

§.107. Duxerunt ad Domum principi sacerdotum. v.54.

Princeps sacerdotum illo anno, & duobus precedentibus erat fuetusque Iosephus Caiphas, & ante eum fuerat in eodem officio Annas, sive Annanus & tres intermedii successives, nempè Imael filius Fabi, & Eleazar.